


https://m.facebook.com/story.php?story_fbid=3030963823859319&id=100008371929927



Алмас Найманбай - Абай атындағы Қазақ ұлттық педагогикалық... | Facebook



Алмас Найманбай сейчас с Ықыласом Әділетом и ещё 3 в Абай атындағы Қазақ ұлттық педагогикалық университеті.

23 June 2021 г., 13:49 · Алматинская область, Алма-Ата ·

Абай атындағы Қазақ ұлттық педагогикалық университеті Немат Келімбетов атындағы Түркітану орталығы мен Филология және көптілді білім беру институты 25.05.2021-15.06.2021 күндері аралығында ҚР ЖОО-ның студенттері мен магистранттары арасында «Ежелгі және ортағасырлық түркі жәдігерлерін зерттеудің жаңа үдерістері» атты ғылыми жұмыстар конкурсын жариялаған болатын. Кеше, 22.06.2021 күні сағ. 16-00 де аталған конкурсты қорытындылап, жеңімпаздарды марапаттау рәсімін өткіздік.

Жоба байқауына білім-ғылым саласында өзіндік қолтаңбасы бар, тарихы терең 4 ЖОО-нан, атап айтқанда Өл. Фараби атындағы Қазақ ұлттық университеті, Қожа Ахмет Ясауи атындағы Халықаралық қазақ-түрік университеті, Қорқыт Ата атындағы Қызылорда мемлекеттік университеті және қара шаңырақ Абай атындағы Қазақ ұлттық педагогикалық университетінен барлығын қосқанда 11 білім алушы қатысты.

Ережеде конкурсқа ежелгі және ортағасырлық түркі жәдігерлерін зерттеп жүрген кез келген білім алушы қатысуға болатыны көрсетілген болатын.

Бұл конкурсты ұйымдастырудағы мақсат - көне түркі жәдігерлерін зерттеудегі соңғы ғылыми ізденістерді ынталандыру еді. Сонымен бірге жоғары оқу орындарында оқитын білім алушыларды ғылыми-зерттеу жұмысына тарту, олардың ғылыми ізденістерін қолдау, білім мен ғылымның интеграциясын дамытуға ықпал жасау.

Баяндаманы бағалау кезінде конкурстық комиссияның әрбір мүшесі оның деңгейін мына өлшемдерге сүйене отырып бағалады:

- 1) конкурс тақырыбының ашылуы;
- 2) автордың нақты және негізделген ұстанымы;
- 3) авторлық тұжырымдардың бірегейлігі және өзектілігі;
- 4) баяндалудың тұтастығы және қисындылығы;
- 5) зерттеу жұмысының жаңашылдығы.

Нақтырақ айтқанда конкурс жеңімпаздарын айқындауды Институт және отандық ЖОО ғалымдарынан құралған конкурстық комиссия жүзеге асырды. Комиссия мүшелері әрбір баяндаманы 50 балдық шкала бойынша бағалап, жеңімпазды анықтау барысында комиссияның шешімі көпшілік дауыспен қабылданды.

Түркі жәдігерлерін диплом жұмысы, магистрлік диссертация деңгейінде зерттеп жүрген білім алушылардан жеңімпазды анықтау конкурстық комиссияға оңай болған жоқ. Өрине бұл жерде бағыт-бағдар беріп отырған ғылыми жетекшілерінің еңбегін айтып өтпеске болмайды.

□ Жеңімпаздарды марапаттау рәсіміне тіл білімі, түркітану, әдебиеттану саласында еңбек етіп жүрген ғалымдар ф.ғ.д., профессор Шерубай Құрманбайұлы, ф.ғ.к. Асқар Тұрғанбаев, ф.ғ.д., профессор Таңжарықова Алуа Василийқызы, Нағима Өбзелбекқызы, ф.ғ.к., профессор Майра Әбибуллақызы т.б. қатысты. Алғашқы құттықтау сөзді филология және көптілді білім беру институтының директоры ф.ғ.д., профессор Таңжарықова Алуа Василийқызы сөйледі. Барлық қатысушыларға, жетекшілеріне институт ұжымы атынан алғысын білдірді. Мұндай конкурсқа қатысу ғылым жолына жасалған алғашқы баспалдақ екендігін, Конкурстың негізгі идеясы – жастар арасында түркі жәдігерлерін насихаттау екендігін айтып өтті.

Конкурстық комиссия мүшесі Нағима Өбзелбекқызы: - Бұл конкурстың маңызы өте жоғары деп ойлаймын. Өсіресе Түркітану ғылымын насихаттау, оқыту әдістемесін жетілдіруге, Түркі жәдігерлерін тілдік және әдеби тұрғыдан зерттеудің жаңа бағыттарын қалыптастыруға үлес қосу, Жоғары оқу орындарында білім алушы жастардың ғылыми-танымдық көзқарасын нығайтуға арналғандығын байқадық. Өте жоғары деңгейде ұйымдастырылды. Қатысушылардың зерттеу тақырыптары да ауқымды болды. Сол себепті де орынды анықтау комиссия мүшелеріне оңай болған. Ұйымдастырушыларға көп рахмет айтамын - лелі

Жеңімпаздарды Нұрсұлтан қаласынан осы байқаудың қорытындылау рәсіміне арнайы келген ф.ғ.д., профессор Шерубай Құрманбайұлы марапаттады. Орын алған білім алушыларға университет ректоры атынан Диплом және қаржылай сыйақы берілді. Конкурстық комиссия шешімімен I орынға 100 мың теңге, II орын алғандар 50 мыңнан, III орынға ие болғандарға 30 мың теңге табыс етілді. Жоба жеңімпаздары төмендегідей:

I орын

Өділет Ықылас - Абай атындағы ҚазҰПУ-ң 2-курс магистранты (Ғылыми жетекшісі: ф.ғ.к., ассоц. профессор Жиренов С. Зерттеу тақырыбы: Архетүбір табиғатының адам санасында психолінгвогенездік жасалу уәжі мен танымдық сипаты («ман» архетипі негізінде))

II орын

Каспихан Бауыржан Каспиханұлы – әл Фараби атындағы ҚазҰУ-ң 2-курс магистранты (Ғылыми жетекшісі: ф.ғ.д., проф. Салқынбай Анар Бекмырзақұлы. Зерттеу тақырыбы: Көне түркі жазба ескерткіштеріндегі «Өмір» концептісі)

Елтай Өсел Ерланқызы – Қ.А. Ясауи атындағы ХҚТУ-ң 4 курс студенті (Ғылыми жетекшісі: ф.ғ.д., доцент Қошанова Нағима. Зерттеу тақырыбы: Орхон-Енисей ескерткіштері тіліндегі жұрнақтар және олардың даму тарихы)


III орын

Өлімжан Зұра Декабрьқызы – Қорқыт ата атындағы ҚМУ-ң 2-курс студенті (Ғылыми жетекшісі: Ф.ғ.к. доцент Баялиева Гүлмира Жарылқасынқызы. Зерттеу тақырыбы: Орта ғасыр ескерткіштері тіліндегі байырғы сын есімдердің танымдық сипаты)

Қожагелді Алтынгүл Жұмабайқызы - Абай атындағы ҚазҰПУ-ң 2-курс студенті (Ғылыми жетекшісі: Ф.ғ.к. проф. Жүнісова Майра Әбибуллақызы. Зерттеу тақырыбы: Ескі түркі ескерткішіндегі өсімдік атаулары)

Михайлова Полина Дмитриевна - Абай атындағы ҚазҰПУ-ң 2-курс студенті (Ғылыми жетекшісі: аға оқытушы Оразова Рая Кадысовна. Зерттеу тақырыбы: Изучение теории о родственности тюркской и кельто-нормандской культур на материале древнетюркских памятников и письменности)

Қорыта айтқанда «Ежелгі және ортағасырлық түркі жәдігерлерін зерттеудің жаңа үдерістері» атты ғылыми жұмыстар конкурсын дәстүрлі түрде ұйымдастырылу көзделіп отыр. Бұл жөнінде Немат Келімбетов атындағы Түркітану орталығының бұрынғы директоры, конкурс идеясының авторы, қазіргі таңда Қожа Ахмет Ясауи атындағы Халықаралық қазақ-түрік университетінің вице-президенті қызметін атқарып отырған Асқар Тұрғанбайұлы жеңімпаздарды құттықтау сөзінде айтты.





ДИПЛОМ

Абай атындағы Қазақ ұлттық педагогикалық университеті Немат Келімбетов
атындағы Түркітану орталығы мен Филология және көптілді білім беру институты
25.05.2021-15.06.2021 күндері аралығында

ҚР ЖОО-ның студенттері мен магистранттары арасында ұйымдастырылған
«Ежелгі және ортағасырлық түркі жәдігерлерін зерттеудің жаңа үдерістері»
атты ғылыми жұмыстар конкурсында

II орын иеленген

Елтай Жел Ерманқоңды
МАРАПАТТАЛАДЫ

Ғылыми жетекшісі: *ф.ғ.д. доцент Н. Жақанова*

Абай атындағы Қазақ ұлттық
педагогикалық университетінің
Басқарма Төрағасы-Ректор



Билалов Д. Н.
Билалов Д. Н.